



Na osnovu člana 22 Statuta Brčko distrikta Bosne i Hercegovine (Službeni glasnik Brčko distrikta BiH, broj 2/10 – prečišćeni tekst), Skupština Brčko distrikta BiH, na 68. redovnoj sjednici održanoj 14. oktobra 2020. godine, usvaja

## ZAKON

### O IZMJENAMA I DOPUNI ZAKONA O PLATAMA I DRUGIM NAKNADAMA PRAVOBRANIIOCA I ZAMJENIKA PRAVOBRANIIOCA U PRAVOBRANILAŠTVU BRČKO DISTRIKTA BOSNE I HERCEGOVINE

#### Član 1

U Zakonu o platama i drugim naknadama pravobranioca i zamjenika pravobranioca u Pravobranilaštvu Brčko distrikta Bosne i Hercegovine (Službeni glasnik Brčko distrikta Bosne i Hercegovine, br. 28/18), član 1 mijenja se i glasi:

#### „Član 1 (Predmet Zakona)

- (1) Ovim zakonom regulišu se plate, naknade i određena prava pravobranioca i zamjenika pravobranioca u Brčko distriktu Bosne i Hercegovine.
- (2) Pravobraniocu i zamjeniku pravobranioca se utvrđuje osnovna plata na mjesečnom nivou.
- (3) Visina osnovne plate utvrđuje se ovim zakonom.
- (4) Plata pravobranioca i zamjenika pravobranioca obračunava se u neto i bruto iznosu.
- (5) Plata u neto iznosu je osnovna plata uvećana za dodatak na platu i obračunava se prije oporezivanja.
- (6) Plata u bruto iznosu obuhvata neto platu i doprinose.“

#### Član 2

Član 2 Zakona mijenja se i glasi:

„Član 2

(Osnovna mjesečna plata pravobranioca i zamjenika pravobranioca)

Osnovna mjesečna plata pravobranioca i zamjenika pravobranioca iznosi:

- a) za pravobranioca 3.500,00 KM,
- b) za zamjenika pravobranioca 3.277,78 KM.“

Član 2a

U članu 3 Zakona, iznos: „0,5%“ mijenja se iznosom „0,3%“.

Član 3

Član 8 Zakona se mijenja i glasi:

„Član 8

(Naknada prilikom odlaska u penziju)

Pravobranilac i zamjenici pravobranioca imaju pravo na naknadu prilikom odlaska u penziju u visini trostrukog iznosa posljednje bruto plate pravobranioca odnosno zamjenika pravobranioca.“

Član 4

U članu 11 stav 1 Zakona se mijenja i glasi:

„(1) Za vrijeme suspenzije pravobranioocu, odnosno zamjeniku pravobranioca pripada naknada plate u iznosu od 80 % osnovne plate uvećane za dodatak na osnovnu platu za 0,3 % za svaku punu godinu radnog staža, najviše do 40 godina staža.“

Član 5

Iza člana 13 dodaje se novi član 13a, koji glasi:

„Član 13a

(Novčane pomoći)

(1) Pravobranilac, zamjenici pravobranioca ili porodica imaju pravo na jednokratnu novčanu pomoć u sljedećim slučajevima:

- a) smrti roditelja, bračnog partnera ili djeteta u visini od dvije najniže bruto plate u pravosuđu,
- b) porodica u slučaju smrti pravobranioca odnosno zamjenika pravobranioca ima pravo na novčanu pomoć u visini od tri najniže bruto plate u pravosuđu,

c) pravobraniocu odnosno zamjeniku, u slučaju privremene spriječenosti za rad zbog bolesti, pripada jednom godišnje jednokratna pomoć u visini od dvije najniže bruto plate u pravosuđu, ako je odsustvovanje s posla duže od šest mjeseci.

(2) Ukoliko više zaposlenih prima platu iz budžeta Distrikta u slučaju navedenom u stavu 1 tačkama a) i b) ovog člana, pomoć može dobiti samo jedan zaposleni i to onaj koji snosi troškove sahrane.“

#### Član 6

(Stupanje na snagu i primjena)

Ovaj zakon stupa na snagu osmog dana od dana objavljivanja u Službenom glasniku Brčko distrikta BiH, a primjenjivat će se od 1. 1. 2021. godine.

Broj: 01-02-1043/20  
Brčko, 14. 10. 2020. godine

PREDSJEDNIK  
SKUPŠTINE BRČKO DISTRIKTA BiH

**Esed Kadrić**